

610.9
#3

43

書叢習複中高

史 國 本

編勉思呂

RW438/66

行發館書印務商

中華民國二十四年五月初版
中華民國三十二年六月訂正第一版

(95623-2)

高中複本
習叢書
國史一冊


每冊實價國幣壹元捌角
印刷地點外另加運費

編著者 呂思勉

發行人 王雲五
重慶白象街

印刷所 商務印書館

發行所 商務印書館
各地



目次

緒論·····	一
上古史·····	六
中古史一·····	三一
中古史二·····	五八
中古史三·····	六九
中古史四·····	八八
中古史五·····	一一三
近代史·····	一三七
現代史·····	一六七
結論·····	一八七

高級中學
複習叢書

本國史

緒論


(一) 問歷史之定義及其價值如何

答：歷史者，所以說明社會進化之過程者也。普通所謂歷史，乃指人類之歷史。人不能單獨生活，有人類即有社會，故人類之進化，即社會之進化。欲知現在，必溯原於既往。明乎既往，即知現在之所以然。現在之所以然明，即事物之真相得。事物之真相得，則應付之術，不待求而自出。故歷史之定義明，其價值即因之而見。

(二) 問我國民族如何形成

答：民族之同異，視其文化之同異。我國民族，以漢族為主。漢族而外，重要之民族，有如左圖所示。皆逐漸與漢族相同化。現在境內，有漢、滿、蒙、回、藏五大民族，益以西南諸族，則共為六族。雖尚未完全。

同化，然終必有完全同化之一日也。



(三) 問中國疆域沿革大略

答：中國疆域，依自然地理形勢，可分為四區：(一) 中國本部，(二) 關東三省，(三) 蒙古、新疆，(四) 青海、西藏。中國民族，起於本部之黃河流域，逐漸向長江、粵江兩流域發展。關東三省中之遼寧，亦久為中國郡縣。此外地方，則因政治勢力之盛衰而時有贏縮。觀左表可知其大略。

遼西之地，一說禹貢屬青州；舜分十二州，以其地越海，別為營州。外蒙之地，元時嘗立嶺北行省。新疆、吉、黑均至清末乃建省。熱、察、綏、寧、夏、青海、西康為國民政府新建之六省，然其地在前代盛時，亦有一部分，或一大部分曾建為郡縣。其前世為郡縣，而後來喪失者，則有安南及朝鮮。

禹貢	冀州	青州	兗州	豫州
漢	幽州	冀州	并州	青州
唐	幽州	冀州	并州	青州
元	遼陽	遼東	中書	河南
明	北直隸	山西	山東	河南
清	奉天	直隸	山西	山東
民國	遼寧	河北	山西	山東

梁 州	雍 州		揚 州			荆 州	徐 州	本 國 史
	涼 州	司 隸	揚 州		交 州	荆 州	徐 州	
劍 南	龍 右	關 內	江 南		廣 南	江 南	山 南	淮 南
四 川	甘 肅	陝 西	江 新		江 西	湖 廣	河 南	
四 川	陝 西		福 建	浙 江	南 直 隸	江 西	廣 東	湖 廣
四 川	甘 肅	陝 西	福 建	浙 江	安 徽	江 蘇	江 西	廣 東
四 川	寧 夏	甘 肅	陝 西	福 建	浙 江	安 徽	江 蘇	江 西
四 川	寧 夏	甘 肅	陝 西	福 建	浙 江	安 徽	江 蘇	江 西

雲南	雲南	雲南	雲南	雲南	雲南
貴州	貴州	貴州	貴州	貴州	貴州

中國歷史

上古 周以前

中古 漢至明

近代
清代

現代革命起至現在

緒論

五

上古史

史記

革命與至聖

(五) 問我國民族之起原

史記

答：我國民族，以漢族為主。論我國民族之起原，自亦係指漢族言之。昔人揣測之辭不一。(一)有以爲來自中央亞細亞者。(二)有以爲來自印度或南洋羣島者。(三)并有謂自北美洲越海而來者。西來說較爲有力，亦無確據。近歲發掘所得，中自河南澠池縣之仰韶村，東至遼寧錦西縣之沙鍋屯，西至甘肅青海一帶，所得器物，均無外來確據；而沙鍋屯人骨，研究結果，認爲與現代華北人體格一致。則中國民族，究係外來，抑土著，雖難遽定，而其居於中國，已極悠久，則可斷言矣。

(六) 問漢族在中國本部發展之迹如何 (閩)

答：漢族起於黃河流域，而其文化之發展，下流似又早於上流。古代帝王，如有巢氏，治石樓山南（今山東諸城縣）；燧人氏起於陽谷，九河；伏羲氏都陳（今河南淮寧縣）；神農氏都陳，徒魯（今山東曲阜縣），皆在黃河下流；堯舜禹皆都晉陽（今山西陽曲縣）；桀都陽城（今河南登封縣）。

殷、周先世，皆起今陝西境內；則漸拓而西。其向長江流域發展，遠在炎、黃之際。三苗之國，左洞庭，右彭蠡，而姜姓之蚩尤爲之君是也。漢南諸侯歸湯者四十國；文王化行江、漢，所謂周南者，地在南郡（今湖北江陵縣）南陽（今河南南陽縣）之間，皆其逐漸發展之迹。至春秋時，楚與吳、越相繼強盛；戰國時，巴、蜀爲秦所并，而江域完全開化矣。粵江流域之展拓，事起戰國之世，吳起爲楚相，南有洞庭，蒼梧，今湖南、廣西地也。莊蹻循牂牁江至滇，今雲南、貴州地也。越爲楚滅，遺族濱於江南海上，服朝於楚，今廣東、福建地也。至秦并天下，開桂林、南海、象三郡及閩中郡；又漢時所謂西南夷，秦世已頗置吏；而中國本部，全屬中國版圖之局開始。至漢滅南越、閩越，開西南夷，而其事大定。

（七）問太古之文化如何

答：區別文化之階段，或以取得食物之方法爲準，如（一）拾取，（二）漁獵，（三）農牧；或以所用器具爲準，如（一）石器，（二）銅器，（三）鐵器。我國拾取之世，已無信史可徵。伏羲作網罟，以佃以漁，似在漁獵時代。河南之神農氏，斲木爲耜，揉木爲耒，似自漁獵進入農耕。河北之黃帝，遷徙往來無常處，以師兵爲營衛，似在畜牧時代。其後堯命羲和四子，歷象日月星辰，敬授民時，則黃帝之後，亦進入農業矣。古兵器皆以銅爲之，而古書多稱蚩尤造兵，蓋爲用銅之始。自此以前，當爲石器時

代。春秋戰國時，兵器猶多用銅，管子則皆用鐵，鹽鐵論可知。三國以後，兵器亦皆用鐵，見日知錄。


(八)問太古之社會如何

答：社會組織，大抵起於氏族。從氏族析爲家族，一方面又聯結而成部落。古代之姓，大約係女系氏族。其後姓改而從男，則自女系入於男系矣。老子言邴治之世，鄰國相望，雞犬之聲相聞，民至老死不相往來，蓋古代各部落分立時之情形。此等部落，內部既無階級，對外亦極平和，蓋即孔子所謂大同之世。其後各部落互相接觸，兵爭漸起，發生征服與被征服之關係，而各部落之內部，執掌政權及富有財產者，權力漸顯，地位亦漸高，則漸降而入小康之世矣。

(九)問何謂三皇五帝（漢二十二年）

答：據尚書大傳，其說如下。白虎通說三皇同大傳，惟又列或說，以伏羲、神農、祝融爲三皇。鄭康成注中候，勅省圖，引運斗樞，以伏羲、神農、女媧爲三皇。女媧即祝融。司馬貞補三皇本紀，引河圖、三五歷，以天皇氏、地皇氏、人皇氏爲三皇，說近荒怪。史記秦本紀，博士議帝號時，謂古有天皇，有地皇，有泰皇，則即書大傳之說。五帝異說，惟鄭康成以德合、五帝、座星者爲帝，於黃帝、顓頊間，增入少昊一人，見禮

記曲禮正義。



(一〇) 問唐虞之政治如何

答：官制見於堯典者，有司空、后稷、司徒、士、共工、朕虞、秩宗、典樂、納言、四岳、十二牧。天子五年一巡守。其間四年，四方諸侯，分班來朝。王位承襲，似世次無定，而以同族爲限。由前任君主，咨詢衆庶，薦之於天，而以朝覲詠獄，謳歌之歸，向與否定從違。此制儒家謂之「禪讓」，亦稱爲「官天下」。

(一一) 問禹治水之事如何

答：禹治水之事，詳見尚書禹貢。史記夏本紀亦本之。惟（一）禹貢是否禹時書？（二）其所述是否禹時事？近人頗有疑義。論其大體，則當時江河兩流域，皆有水患。其情形爲「五穀不登，禽獸逼人」。

人」：「民無所定，上者爲巢，下者爲窟窟。」禹治水之法，以疏濬爲主，使小水入大水，大水入海。以江淮河濟爲諸水之綱領，是爲四瀆。水患既定，則民得平土而居之，益稷爲禹之佐，益烈山澤而焚之，后稷教民稼穡，當大致不謬也。

(一二) 問夏代之興亡如何

答：夏凡十七主，四百餘年。其事迹，惟太康失國、少康中興爲較著，此外皆無可考。太康失國，偽古文尚書謂其由於好畋，殊不足信。據墨子、楚辭，實因貪於飲食，溺於音樂之故。羿篡夏後，又爲其臣寒浞所篡，并滅太康弟仲康之子相。相后緡，逃歸母家有仍，生少康。後奔虞，虞君邑之於綸。有田一成，有衆一旅，以成中興之業。其事略見左氏、堯舜禹三代，皆都晉陽。少康中興後，似居河南，故桀之亡在陽城也。

(一三) 問夏代政教如何

答：禹有天下，不傳賢而傳子，於是「禪」易爲「繼」，成爲「家天下」之局。據孟子：夏代之稅用貢法，校數歲之中以爲常。龍子議其不善。據尚書洪範，五行之說始於夏。墨子背周道用夏政，見於淮南子要略。今其書有天志、明鬼、上同諸篇，可見夏代迷信之深，專制之甚。其主張節用、節葬，可見夏

987654321

33

33

123456789

33

代生活程度尙低。其主張兼愛，則又儒家所稱「夏尚忠」之注腳也。

(一四) 問商代之興亡如何

答：商之先曰契，爲堯司徒，封於商（今陝西商

縣）。十四世至湯，滅桀而王天下。傳三十世，六百餘

年。商代事迹，可考者亦鮮。據史記殷本紀觀之，但知

(一) 其時有盛衰，盛則諸侯來朝，衰則諸侯莫至；

(二) 又其都邑，曾屢次遷徙而已。

(一五) 問商代都邑屢遷，其地可得而考歟

答：史記殷本紀言自契至於成湯八遷，其地不

盡可考。湯始都亳，從先王居，當在商縣。孟子言湯居

亳與葛爲隣，則似在商邱。滅夏後都偃師，亦稱亳，見

書序疏引鄭注。其後則仲丁遷於囂（書序作囂）。

河亶甲居相，祖乙遷邢（書序作耿）。盤庚仍居偃師。

上古史



武乙遷於河北，似卽史記項羽本紀之殷墟。

(一六) 問商代之政教如何。

答：商代繼承之法特異，王位傳諸同母弟，同母弟盡，則遺立長兄之子，頗似春秋時之吳。又君薨，百官總已，以聽於冢宰三年，似其時相權頗重。其田賦用助法，較夏之貢法爲善，亦見孟子。古書屢言殷賢周文，亦可見其時之風俗，尙較周代爲質樸也。

(一七) 問商代事迹書籍而外尙有可考者否。

答：公元一八九八、九九年間，河南安陽縣北小屯，曾掘地得龜甲、獸骨，間有文字者，說者謂其地卽殷墟。據以研究殷代史事者頗多。

(一八) 問周之興起如何。

答：周之先曰棄，封於郃（今陝西武功縣）。至不窋失官，竄於戎狄，再傳至公劉復興，居於豳（今陝西邠縣）。又十傳至大王，避狄，居於岐（今陝西岐山縣）。大王肇基王迹，傳季歷至文王，三分天下有其二。至武王，遂滅商，仍以其地封紂子武庚，而使弟管叔、蔡叔、霍叔監之。武王崩，三監及武庚叛，周公東征，平之。時淮夷、徐戎並起，周公又使子魯公伯禽平之。又營洛邑爲東都，周在東方之勢力，蓋

至此而始完圖。

(一九)問西周之興亡如何

答：西周當成康之時，稱爲盛世。康王子昭王，南巡狩不返，似係爲楚所敗。子穆王，享國長久，相傳其西巡狩之事。又曾修正刑法，見尚書呂刑篇。國勢似乎復振。又六傳至厲王，因暴虐，爲國人所逐。周召二公，當國行政，謂之共和，凡十四年。厲王死，子宣王立，側身修行，號爲中興。子幽王，因寵嬖嬖故，廢申后及太子宜臼。申侯與犬戎伐周，弑王於驪山下（今陝西臨潼縣）。宜臼立，東遷於洛，是爲東周，而西周亡。

(二〇)問穆王西巡狩之事真相若何

答：其見於史記秦本紀，趙世家者，但云造父爲穆王御，西巡狩，見西王母，樂而忘歸。徐偃王乘之作亂，造父爲穆王御，長驅歸周，一日千里以救亂而已。西王母爲爾雅所列四荒之一，雖難確指爲何地，其勢不能甚遠。近來修陳穆王行迹者，大抵根據穆天子傳一書。此書始見於晉書束皙傳，亦名周王游，似後人所作小說。

(二一)問共和行政之真相如何

答：古代卿權本強，周召二公，又世爲王室卿士，故能如此。春秋列國，君出奔而不立新君者甚多，如魯昭公卽其一例。謂有共伯和攝行天子之事，說出魯連子竹書紀年，不足信。

二二（問東周時治亂之大勢如何）

答：自平王東遷後四十九年，而入於春秋之世，凡二百四十二年。春秋以後，爲戰國之世，又二百六十一年。當此之時，王室之威靈已替，不復能號令天下。諸侯互爭，當春秋之時，則求爲霸主；戰國之世，更互相吞并，而天下遂卒統於一。

二三（問爭霸及互相吞并之局何由而起）

答：西周以前，天下之強國少，有一強者出，能懾服其餘諸國，使承認已爲共主，是之謂王。東周以後，天下之強國多，衆強相遇，僅能懾服二等以下之國，使承認已爲諸侯之長而已，是則所謂霸也。春秋時，尙未達於統一之機運，故列強所務，僅在爭霸。戰國時，則二等以下之國，大抵滅亡。諸大國彼此直接，爭戰益烈，故終至互相吞并，歸於統一也。

二四（問春秋戰國時代國之大小若何）

答：此時所謂小國者，多夷滅而爲大國之縣。觀漢世縣名，尙多古國名可知。漢書百官公卿表，謂